

Verbâl de Assemblee Gjenerâl Ordenarie dai 15 di Març dal 2026

Clamade adun cun letare dai 28 di Zenâr dal 2026, prot. nr. 32/26, daûr dal art. 10 dal Statût,

- in prime convocazion, sabide ai 14 di Març dal 2026, a 11 sot sere;
- in seconde convocazion, domenie ai 15 di Març dal 2026, a 10.30 di buinore;

si è tignude a Udin, tal sît Sociâl di Palaç Mantiche in Vie Manin 18 e in modalitât telematiche, la Assemblee Gjenerâl Ordenarie de Societât Filologjiche Furlane, par discuti di chest ordin dal dì:

1. Esam, discussion e aprovazion dai documents di Belanç 2025;
2. Esam, discussion e aprovazion dai documents di Belanç di prevision 2026;
3. Variis.

Al è a cjâf de assemblee il President de Societât Filologjiche Furlane, Federico Vicario.

Daûr dal art. 10 come 3 dal Statût, stant che a la prime convocazion no si è presentât nissun, il President al declare costituide cun regolaritât in seconde convocazion la Assemblee Gjenerâl dai socis de Societât Filologjiche Furlane “Graziadio Isaia Ascoli”.

Il President al propon Feliciano Medeot, Diretôr de Societât, tant che segretari verbalizant de Assemblee; la Assemblee e fâs buine la propueste a la unanimitât.

Il President al domande a ducj i presints di rispietâ un moment di corot par ducj i socis che a son mancjâts vie pal 2025 e tai prins mêis dal 2026.

Pont n. 1 dal ordin dal dì:

Esam, discussion e aprovazion dai documents di Belanç 2025.

Il President al presente la Relazion morâl e, daspò, la relazion su lis ativitâts dal 2025. A conclusion, il President al passe la peraule al Tesorîr de Societât, Carlo del Torre, che al presente il Belanç pal 2025 (rindicont di gjestion, stât patrimoniâl e relazion di mission), che al evidenzie un risultât economic de gjestion dal esercizi positîf par un impuart di 5.772 euro e al propon di puartâlu a riserve. Il President al ricuarde che, inte suaze de normative dal Tierç Setôr, des ativitâts e dai risultâts de Societât, ancje chest an si à vût di presentâ il Belanç Sociâl pal 2025: chest document al è stât presentât dal Diretôr de Societât ae Assemblee.

Al interven il President dai Revisôrs dai Conts, Carlo Plet, che al lei la relazion dant parê positîf su l’aprovazion dal Belanç 2025 di bande de Assemblee dai socis e su la propueste fate dai amministrazôrs di puartâ il risultât positîf di gjestion a riserve; al lei ancje la relazion sul Belanç Sociâl e, ancje in chest câs, al da parê positîf ae aprovazion dal Belanç Sociâl pal 2025.

Ae fin des relacions e dai intervencs, si passe aes votacions: la Relazion morâl e ven fate buine ae unanimitât; il Belanç 2025 e la propueste fate dai amministrazôrs di puartâ il risultât positîf di esercizi a riserve a vegnin fats bogns ae unanimitât; il Belanç Sociâl pal 2025 al ven fat bon ae unanimitât.

Pont n. 2 dal ordin dal dì:

Esam, discussion e aprovazion dai documents di Belanç di prevision 2026.

Il President al presente ae Assemblee lis ativitâts de Societât pal 2026 e il prospet dal Belanç di prevision pal 2026.

Si passe duncje a la votazion dal Belanç di prevision 2026 e dal Belanç dal trieni 2026-2028, che a vegnin fats bogns a la unanimitât.

Pont n. 3 dal ordin dal dì:

Variis.

A cjapin la peraule:

- Del Fabbro e propon che il documentari “Lingua mater” di Massimo Garlatti Costa al sedi promovût de Filologjiche e se si à cualchi gnove su la sede pe Cjargne;
- Ruffini e presee lis iniziativis pal inovâl dal taramot, su la impuartance dai cors pratics cun l’auspici che ju iscrits ai cors pratics si notin ae Filologjiche;


- Degano, president de Union dai Grups Folcloristics dal Friûl Vignesie Julie, al presente il progjet pe valorizazion de “Furlane”, il bal de tradizion furlane, par fâle balâ di dute la comunitât furlane;
- Pagnucco al ringrazie des peraulis di agrât dal President, al ricuarde la sô experience te Filologjiche e al auspiche une partecipazion di gnûfs colaboradôrs e iniziativis so redut pai zovins;
- Covazzi, president de Associazion Teatrâl Furlane, al ringrazie de ospitalitât in Palaç Mantica e al ricuarde lis ativitâts de Associazion.

Il President al rispuint a ducj ju intervants.

Stant che nol è altri ce discuti, la Assemblee si siera a 12.15.

Udin, ai 15 di Març dal 2026

Il Segretari Verbalizant
Feliciano Medeot



Il President
Federico Vicario

